

La boha - boha gascona

Grana familha : Instruments de vent


Petita familha : Bohas

Talha : 40 cm **Pes :** haut o baish 600 g

Materiaus : boish, pèth de craba, còrna de vaca, arrau, estam


Origina geografica

■ Gasconha



Repertòri : aires a dançar (congòs, rondèus, valsas, etc.)

ORGANOLOGIA



LEXIC

Espiula simpla : aquesta lengüeta en arrau hicada au som deu pihet que tringla dab la premuda de l'aire, çò qui permet de crear un son. Que cau duas espiulas simplas tà har tringlar ua boha, ua tà cada canèth.

Bohaire : jogaire de boha

Brunider : petit tròç en husta lhevadís qui permet de har variar la nòta deu bordon.

Boish : boi deus denses qui permet de fabricar instruments solides qui duran hèra.

Congò : dança de Gasconha a henalhas qui's dança sovent a quate personas.

Bohas : instruments de vent d'espiulas, compausats d'ua pòcha que lo musician en-hla en bohant en un canèth o en hant anar un plec. Que pòden aver un o un sarròt de canèths, segon la lor origina.

Quin fonciona ?

Lo musician qu'envia l'aire en bohant en lo bohet e que prem la pòcha dab lo son braç tà har tringlar las duas espiulas qui hèn lo son. La melodia que's jòga suu pihet en boçant e desboçant los horats dab duas mans.



Ac sabès
La boha qu'a ua cosia en Ongaria, la "duda", sovent ondrada d'un cap de craba escultada.

